

Uniun da troccas Ochli

Il club da troccas Ochli Danis-Tavanasa envida cordialmein alla radunonza generala vendergis, ils 17 d’october 2025 allas 20.00 el bistro-café Tancadi a Mutteins-Tavanasa. L’invitaziun cun la gliesta da trarandas vegn tarmessa tier ad uras. Ei legrass nus zun fetg d’astgar beneventar novas commembras e novs commembers a nossa radunonza generala. Secapescha ein era persunas che habiteschan buca ella vischnaunca da Breil beinvegnidas. Per damondas stat la presidenta bugen a disposiziun (079 462 82 92).

Spitex Foppa

siehe unter Ilanz



Resultat dalla votaziun communal dils 28-09-2025

Diember da votantas e votants 1 477
Participaziun alla votaziun 53.9%

Credit da frs. 1 463 000.– per la sanaziun dalla Via Cons

Dau giu cedels	796
Cedels vits	4
Cedels nunvaleivels	9
Total cedels vits e nunvaleivels	13
Cedels valeivels	783

GIE 608 (78%)
NA 175 (22%)

Dretg da recuors
Sebasond sin art. 37 dalla lescha communal davart ils dretgs politics sa vegnir recurriu encunter la votaziun communal dils 28 da settember 2025 enteifer 3 dis dapi ch’il motiv da recuors ei vegnius constataus, sil pli tard denton il tierz di suenter la publicaziun ufficala dils resultats. Il recuors ei d’inoltrar alla suprastanza communal.
Suprastanza communal

Damondas da baghegiar

2025-1076.000

Datum dalla publicaziun: 3 d’october 2025

Patrun: STWEG Bun’ura
Representant: STWEG Bun’ura
Intenziun: Sanaziun energetica dil tetg cun nova cuvrida dad eternit
Edifeci nr.: 782
Parcela: 1249
Adressa: Via Acletta 25, 7180 Disentis/Mustér
Zona: Zona da habitar 4 (H4)
Zona da prighel: Negina zona da prighel

2025-1063.000

Datum dalla publicaziun: 3 d’october 2025

Patrun: Andreas Ruckstuhl,
SAC Sektion Winterthur,
Wülflingerstrasse 1, 8400 Winterthur
Representant: Roman Hutter
Architektur GmbH
Werfstrasse 2
6005 Luzern
Intenziun: Remplazzament dil baghetg existent camona da Cavardiras SAC

Parcela: 2948
Adressa: Senda Camona da Cavardiras,
7180 Disentis/Mustér
Zona: Zona per la protecziun dalla cuntrada,
Ulteriur territori communal (U)
Zona da prighel: Negina zona da prighel

2025-1062.000

Datum dalla publicaziun: 3 d’october 2025

Patrun: Recal SA, c/o Damian Sac,
Via dalla Stampa 8,
7180 Disentis/Mustér
Representant: Recal SA, c/o Damian Sac,
Via dalla Stampa 8,
7180 Disentis/Mustér
Intenziun: Engrondiment dalla reit dil
scaldament lontan quartier Acletta
Parcela: 2292/3653/1679/1238/1239/1240/1
241/1243/1245/1672/1237/1254/42
0/1248/3922/1304/2291/1249/1678
Adressa: Acletta, 7180 Disentis/Mustér
Zona: Zona da habitar (H)
Zona da prighel: Negina zona da prighel
Plan da quartier: Plan da quartier

Protestas:

Ils plans da construcziun ein deponi tier l’administra-
ziun communal.
L’investa publica cuoza 20 dis dapi il datum dalla pu-
blicaziun.
Eventualas protestas encunter sura damondas da baghe-
giar ein d’inoltrar a scret enteifer 20 dis all’istanza da
baghegiar, caum postal 57, 7180 Disentis/Mustér. La
protesta sto esser motivada e suttascretta dil recurrent
ni da siu representant.

Uffeci da baghegiar Disentis/Mustér

Lubientschas da baghegiar

L’istanza da baghegiar ha concediu las suandontas lu-
bientschas da baghegiar:

2025-1023.000

Recal SA, c/o Damian Sac, Via dalla Stampa 8, 7180
Disentis/Mustér; engrondiment dalla reit dil scaldam-
ent lontan dalla Recal a Cuoz, parcelas 1200/1224/
1627/1223/3993/1619/2300/1620, Cuoz, 7186 Segnas

2025-1049.000

Dario e Nicolette Manetsch-Engels, Via Raveras 2, 7180
Disentis/Mustér; sanaziun dalla habitaziun el plaunter-
ren cun habitaziun integrada e remplazzar scala existen-
ta cun access en curtin, parcella 807, Via Raveras 2, 7180
Disentis/Mustér

2025-1050.000

Paul Durschei, Via Cons-Sut 9, 7180 Disentis/Mustér;
sanaziun dil plaunterren, da diversas combras, dil bal-
cun, digl esch dil balcun, dallas finiastras e dils barcuns,
parcella 641, Via Cons-Sut 9, 7180 Disentis/Mustér

2025-1072.000

Alexi Dermon, Via Funs-Dado 9, 7180 Disentis/Mus-
tér; sanaziun dil tetg cun nova izolaziun e cuvrida d’ent-
ernit, parcella 562, Via Funs-Dado 9, 7180 Disentis/
Mustér

Annunzas da baghegiar

All’istanza da baghegiar ei sin fundament digl art. 64,
alineia 2 dalla lescha da baghegiar e digl art. 40 dall’ordi-
naziun davart la planisaziun dil territori dil cantun Gri-
schun OPT vegniu annunziau ils suandonst projects:

2025-2049.000

Albert ed Annemarie Spescha, Via Acletta 4, 7180 Di-
sentis/Mustér; renovaziun ed adattaziuns dalla casa da
pliras famiglias, sanaziun termica e lavurs vid il contu-
orn dalla surfatscha communal dalla parcelas 764 e
766, Parcelas 764 e 766, Via Gonda 10, 7180 Disen-
tis/Mustér

2025-2074.000

Filomena Sac-Manetsch, Via Bugnei 2, 7186 Segnas;
adattaziuns vid igl access tier la casa e tschentar novs
scalems, parcella 438, Via Bugnei 2, 7186 Segnas

2025-2076.000

Hansruedi Spaltenstein, Via Gonda 6, 7180 Disentis/
Mustér; lavurs vid il contuorn dalla surfatscha commu-
nabla dalle parcelas 764, parcelas 764 e 766, Via
Gonda 6 e 10, 7180 Disentis/Mustér

Cussegl da vischnaunca

Rapport dalla seduta dils 10 e dils 29 da settember 2025

Il cussegl da vischnaunca approbescha la revisiun tota-
la dalla planisaziun locala.

Suenter varga 5 onns lavur intensiva ha la suprastanza
communal saviu deliberar igl uost 2025 il messadi per
la revisiun totala dalla planisaziun locala (plan da zonas
e lescha da baghegiar) per mauns dil cussegl da visch-
naunca. La tractaziun dalla fatschenta complexa ha ba-
signau duas sedutas dil cussegl da vischnaunca che han
giu liug ils 10 ed ils 29 da settember 2025.
La revisiun totala dalla planisaziun locala cuntegn la
part dil plan da zonas e dil plan general da formaziun
1:2000 sco era la part dalla lescha da baghegiar. L’emp-
rema part cun il plan da zonas ei vegnida tractada a ca-
schun dalla seduta dil cussegl da vischnaunca dils 10 da
settember 2025 e la lescha da baghegiar cun ses 124 ar-
techels ils 29 da settember 2025. Sut l’egida dil presi-
dent Adrian Flepp ha il cussegl da vischnaunca tractau
la fatschenta ed approbau claramain il plan da zonas e
la lescha da baghegiar cun entginas pintgas adattaziuns.

Cun l’actuala revisiun dalla planisaziun locala vegn la
surfatscha da reservas da baghegiar reducida per ro-
dond 1.87ha, aschia ch’ei resta aunc ina reserva da zo-
nas da baghegiar ella dimensiun da 9.01ha. Totalmein
94 parcelas ni parts da parcelas ella dimensiun dad
11.4ha vegnan mobilisadas. Da quei ein 43% dalle
surfatschas suttamessas ad in’obligaziun da surbaghe-
giada dad 8 onns e per in tierz dalle surfatschas ei vegniu
definiu in termin da 3 onns.

La lescha da baghegiar surluvrada cuntegn denter auter
prescripziuns davart la mobilisaziun, in alzament mode-
rau dalla cefra d’utilisaziun e dalle altezias da fatschada,
spazi da habitar enteifer la zona da mistregn ed ina sim-
plificaziun dils artechels en connex cun indrezs solars.

Cun l’approbaziun dalla revisiun totala dalla planisazi-
un locala vegn creau la segirtad necessaria da dretg pils
proprietaris da terren, pils patrums da baghegiar, per
l’istanza da baghegiar e pils vischins directamein per-
tuccai. Cun la reducziun dalle zonas da baghegiar sa
vegnir dau suatientscha allas pretensiuns dil dretg da
planisaziun surordinau. Medemamein vegn manteniu
la pusseivladad da svilup en vischnaunca. Aschia setrac-
ta ei d’in project da votaziun equilibrau, nua ch’ins ha
risguardau aschi bein sco pusseivel ils interess dils per-
tuccai sco era quels dil maun public.

Votaziun all'urna ils 30 da november 2025

La revisiun totala dalla planisaziun locala ei el senn dallas prescripziuns digl art. 48 al. 1 dalla lescha cantunala da planisaziun dil territori e digl art. 11 al. 1 dalla lescha da baghegiar da suttametter alla cuminonza da votantas e votants. La votaziun all'urna ha liug dumengia, ils 30 da november 2025. *Suprastonza communal*

Entschatta dallas lavurs da construcziun

Preziadas vischinas, preziai vischins
Sco ils investurs dil Hotel Acla da Fontauna han orientau la vischnaunca ils 19 da settember 2025, eis ei previu d'entscheiver cun las lavurs da construcziun vid la via da quartier ils 29 da settember 2025. Quellas mesiras ein necessarias per saver entscheiver primavera 2026 cun las lavurs da construcziun vid il hotel.
Las lavurs da construcziun vid la via da quartier succedan entras la firma da baghegiar Tonneatti AG ch'ei medamein responsabla per la survigilanza dallas lavurs.

Persuna da contact:

Mathias Nigg, capomeister diplomau, mobile +41 79 507 00 66, m.nigg@toneattiag.ch – toneattiag.ch
Disentis/Mustér, ils 23 da settember 2025

Uffeci infrastructura e baghegiar

Rimnada da pupi – venderdis, ils 03-10-2025

- deponer il pupi sper via - bein veseivels (sche pusseivel in di avon)
- ligiar bein il pupi e buca far memia gronds pacs negin cartun (quel sa vegnir deponius a Raveras)

Adatg! Ei vegn mo rimnau: gasettas, illustradas, catalogs, cudischs e prospects stampai.

Bien engraziament per Vies agid e sustegn.

Nossa Scuola popolare Mustér, Ch. Berger

Evang.-Ref. Kirchgemeinde Cadi**Suentermiezdi da cant cun Regina Wilms**

Il suentermiedi da cant cun Regina Wilms sentaupan umens e dunnas che han plascher da cantar. Il plascher da canzuns preferidas, mo era da tuns novs e melodias nunenconuschentas. Da dur ni Moll, vegli ni nievv, piano ni ferm, plaun ni en galop, engles ni latin... Regina Willms s'ellegra sin in suentermiezdi cun fatschas e vusch enconuschentas e fatschas novas.

Sonda, ils 4 d'october 2025 el center communal Aua Viva dallas 14.00 – 17.00.

Singnachmittag mit Regina Wilms

Am Singnachmittag mit Regina Wilms treffen sich Frauen und Männer, die Freude haben am Singen. Die Freude haben an vertrauten Gesängen und ihren Lieblingsliedern, aber auch an neuen Tönen und unbekannten Melodien. Ob in Dur oder Moll, ob alt oder neu, ob piano oder forte, ob langsam oder im Galopp, ob Englisch oder Latein... Regina Willms freut sich auf einen schwungvollen Nachmittag mit bekannten Gesichtern und Stimmen und vielen neuen Mitsingenden.

Samstag, 4. Oktober 2025 im Gemeindezentrum Aua Viva von 14 – 17 Uhr.

Sera da troccas a Mustér

Danovamein lein nus envidar ad ina sera da troccas per in e scadin.

L'emprema sera ha liug, **mardis ils 7 d'october 2025 naven dallas 19:00 uras ell'ustria Casa Cruna**. Era a noviz lein nus dar la pusseivladad dad emprender da dar troccas aschia che quels ein era cordialmein beinvegini. Cordialmein envidan *Ils organisaturs*

Indoor Sounds Disentis

Preavis: Ils 22 da november allas 19.00 ha liug il lotto el Center Fontauna, Disentis/Mustér – ina opportunitad per gudignar bials premis! Tuts ein cordialmein envidai a passentar la sera cun nus. Cun in tec cletg saveis gudignar bellezza premis. Nus selegrein da veverus! Dapli infos suondan.

Vorankündigung: Am 22. November um 19 Uhr, findet in Center Fontauna, Disentis/Mustér das Lotto statt – eine einmalige Gelegenheit, fantastische Preise zu gewinnen!

Kommt vorbei, unterstützt das lokale Event und vielleicht seid ihr die Glücklichen, die mit einem tollen Preis nach Hause gehen! Wir freuen uns auf zahlreiches Erscheinen und einen unterhaltsamen Abend! Weitere Infos folgen.

Invitaziun tier sault e musica

Alzheimer Grischun organisescha in suentermiezdi da sault per tut la gliend che pitescha dalla malsogna da demenz ensem cun ils confamiliars e tuts interessai.

Venderdis, ils 3 d'october 2025 dallas 14:00–16:00 en halla Cons a Mustér.

Accumpignament da musica ensem cun Hans e Jakob Cadetg. La participaziun ei gratuita. Collecta voluntarmein. Tuts ein cordial beinvegini.

Nus selegrein sin in bi e ventireivel suentermiezdi en cumpignia. *Nicole Candinas*

Invitaziun Seniors-Ca

Gievgia, ils 9 d'october 2025 allas 13:45 en AUA VIVA

motto: designar cun tecnica speciala

Victor Bisquolm da Mustér ha dapi onns fetg grond success da mussar quella tecnica a classas ed en special a seniors/seniors en Svizra, Tiaratudestga ed Australia. En biabein 2 uras pren el naven tut sterment dil buca saver designar e laventa il plascher da crear enzatgei – era per sesez!

Per saver organisar bein ils plazs ed il material supplichein da s'annunziar! Pintga indemnisaziun! Engrazi! Allas 13:30 uras ei in auto avon halla Cons per tut tgi che drova transport!

Annunzia tochen gliendisdis, ils 06 d'october 2025 allas 17:00 a PUNTREIS sut 081 929 56 56

Cordial beinvegini *Team SENIORA-CA*

Meisa da miezdi organisada da SENIORA-Ca e PUNTREIS

Entschatta: allas **12.00** en PUNTREIS

Gentar cun treis tratgas inclusiv aua dalla spina ed 1 caffè. Annunzia entochen allas 9.00 uras dil di alla PUNTREIS (tel. 081 929 56 56)

La meisa da miezdi ei aviarta per mintgin/a.

Post d'informaziun SENIORA-CA

Impurtonta informaziun!

Il cuors da malegiar/designar croda!

Victor Bisquolm ha giu in accident. Nus giavischein ad el bien migliurament! Sin seveser!

Adatg enstagl!

Gievgia, ils 9 d'october 2025 allas 13.45 uras en Ludoeca.

Tema: Emprender giugs - per sesez ed era per saver dar culs biadis/affons.

Annunzia: tochen mardis, ils 7 d'october 2025 allas 12:00 uras a PUNTREIS sut 081 929 56 56.

Cordial beinvegini *team SENIORA-CA*

Meisa da miezdi organisada da SENIORA-Ca e PUNTREIS

Entschatta: allas **12:00 uras** en PUNTREIS.

Gentar cun treis tratgas inclusiv aua dalla spina ed 1 caffè.

Annunzia entochen allas 9.00 dil di alla PUNTREIS (tel. 081 929 56 56)

La meisa da miezdi ei aviarta per mintgin/a.

Post d'informaziun SENIORA-CA

Societad sempla Alp Run Disentis/Mustér

Redunonza generala ils 27 d'october 2025.

**Radunonza communal**

Gievgia, ils 23 d' october 2025, 20.15 uras, la fermata Tractandas:

1. Beinvegini, elecziun da dus dumbravuschs
2. Constataziun dall'approbaziun dil protocol dalla radunonza communal dils 18 da zercladur 2025
3. Damonda da credit (inclusivamein finanziaziun) per separticipar alla Finanz Infra SA
4. Informaziuns e varia

Il messadi per la radunonza communal sa vegnir re-tratgs sin canzlia communal ni vegnir cargaus giu dalla pagina d'internet dalla vischnaunca www.falera.net.

La suprastonza communal

Gemeindeversammlung

Donnerstag, 23. Oktober 2025, 20.15 Uhr, la fermata Traktanden:

1. Begrüssung, Wahl von zwei Stimmenzählern
2. Feststellung der Genehmigung vom Protokoll der Gemeindeversammlung vom 18. Juni 2025
3. Kreditgenehmigung (inklusive Finanzierung) für Beteiligung an Finanz Infra AG
4. Informationen und Varia

Die Botschaft für die Gemeindeversammlung kann bei der Gemeindekanzlei bezogen oder auf der Gemeindehomepage www.falera.net heruntergeladen werden.

Der Gemeindevorstand

Tagliar plontas e caglias

Tenor artechel 53 dalla lescha da baghegiar dalla vischnaunca da Falera supplichein nus tuts proprietaris da terren da tagliar anavos caglias e roma che vargan ora en vias publicas, sinaquei ch'il traffic e la rumida da neiv vegnien buca impedi. Nus supplichein era da risguardar che cazzolas e signalisaziuns da via sco era hi-drants eav. ein da deliberar da caglias e roma.

Caglias e roma sco era ulteriuras emplontaziuns (cottonaster eav.) ein da tagliar anavos sin in'altezia da 4.5 m sur via e cun ina distanza da minimum 50 cm naven dalla via communal.

Nus supplichein privats, administraziuns e pedels da casas da vacanzas da mirar che quellas lavurs vegnan exequidas **entochen ils 31 d'october 2025.**

Suenter quei termin vegnan ils luvriers communal a far las lavurs necessarias sin cuosts dils proprietaris. En cass che las lavurs san buca vegnir exequidas entras ils luvriers communal vegnan quellas surdadas ad ina fatschenta dil contuorn. Era quels cuosts ston vegnir surpri mintgamai dils proprietaris pertuccai

La suprastonza communal